

## **POLICE PRESS STATEMENT**

No. POL/PR/2016/57

Dated Aizawl, the 26<sup>th</sup> Feb, 2016

Ni 20 February, 2016 zana Police officer duty leh a driver-te, an duty lai a mi kut an tuar ta mai chu Mizoram Police Department chuan pawl a ti takzet a ni.

Police-te hi, mipui himna tur atan hmun kilkhawr leh hlauhawm tinrengah mipui tan a duty kan ni a. Hel in min tihbuai na hmun, ram pilril lai leh khawtlang tana hnawksak awmkhawmna hmun thlengin a hun leh a hmun sawilo leh, nunna atana hlauhawm hmunah pawh mipui rawngbawla thawk chhuak thin kan ni. Aizawl khawchhungah ngei pawh hian zantin patrolling party engemawzat khawpui him zawk nan an duty ziah a, hetiang duty-te leh guards hrang hrang te duty vil tura Gazetted officer tlaivar a zantin duty-te zinga mi in, kan thalai awmkhawm zinga misual thenkhatte kut an tuar ta mai hi, Police-te chuan kan ngai thiamlo hle a ni

Mizoram Police Department chuan Mizoram hi dan tha taka kenkawh na ram, mimal, thianho leh pawlhoivin mahni thahrui chakna hmanga dan an palzutna ramah a chan a phallo a, Police duty mai nilovin eng hunah pawh mi tu pawhin kan khawlai leh kan kawnte him tak leh thlamuang taka veivah ngamna atan siam zel a tum a, chumi atan chuan Mizoram mipuite tawiawmna a ngen takmeuh a ni. Hetiang thil duhawmlo hi a thlen leh toh loh nan, he thilsual tihna a in hnamhnawihte hi dan hma-ah an phutawk hremna an tawh ngei theihna turin hma a la zel dawn a ni.

---

**ISSUED BY PUBLIC RELATIONS OFFICER, MIZORAM POLICE**

---